

Acte d'« oubliance » accordé aux Gantois par le
prince d'Orange.

27 décembre 1578.

Acte van verghetenesse vande zaecken gheschiet tot Ghendt.

Wy (1) Willem byder gracie Gods, prince van Orain-
gnen, grave van Nassau, van Catzenelleboghden, van Dietz,
van Vianden, van Buren, van Leerdam, van Charny, van
Tonneire, van Ponthieure, heere ende baron van Breda,
van Diest, van Grimberghen, van Wastene, vande Lecke,
van Harlay, van Nozeroy, van S^{te} Maertensdyck, eerb-
borchgraeve van Antwerpen ende van Besancon, gou-
verneur van Brabant, Hollant, Zeelant, Westvrieslandt
ende Lieutenant general vande duerluchtighe Prince
Matthias byder gracie Gods eersthertoghe van Oosten-
rycke, hertoghe van Bourgoingnen etc., gouverneur
ende capitein generael van deze Nederlanden, metgaders
ten verzoucke vande generaele Staeten ende Vier Leden
's lands van Vlaenderen, ons ghevonden hebben binnen
deser stede van Ghendt ende aldaer naer diveerssche
handelinghen ende communicatien ten goeden paeysse
ende vrede ghebrocht hebben de zaecken ende affairen
vanden zelve lande van Vlaenderen ende deser voor-
nomder stede ende te nedergelegt alle zwaricheyt diffe-

(1) Le copisto, par distraction, a omis ce mot.

rentien ende gheschillen die binnen der zelve stede ende lande gheresen ende overkommen waeren : Soo eyst dat wy, achtervolghende den last ende auctoriteyt ons by expresse commissie ons dienaengaende verleent by Zyne voornomde Alteze binnen der stadt van Andwerpen den xxii^e novembris xv^e achtenzeventich, onderteeckent Matthias, ende ghezeghelt met zyn cachet secret ende by ordonnancie vande zelve Zyne Alteze gheteeckent J. van Asseliers, ende oock by advyse van mynen heeren vande Rade van Staeten neffens Zyne Alteze, belooft hebben ende beloven by desen, up princelicke woorden ende eedt, de voornomde van Vlaenderen ende naemelick de voornomde vande stede van Ghendt ende huerl. naercommers int generale nochte int particuliere noch ook deghone die zy huerl. rade ofte dienst ghehadt hebben, tzy in faict van wapenen ofte andersins ende van alle tgone binnen den zelve lande ende stede gedaen ende ghepasseert es in wat manieren, jeghens wien, tzy gheestelicke ofte weerlicke, ter wat occasie ende ter wat plaetse tzelve zoude moghen gheschiet zyn, van nu voortsan egheen vermaen, molestation, quellinghen noch onderzouck ghedaen en zal worden, nemaer dat alle offencien, injurien, misdaden, beschadicheden ende generalick alle concepten ende raeminghen weghen van faicte dadelick, wercken ghedaen, gheschiet, vulbracht ofte angheslegghen ende gheatenteert, ter oorzaecke vande veranderinghen ende alteration onlancx ghebuert zullen wezen, zyn ende blyven in der eeuwichheit vergheten ende ghehouden als noynt gheschiet ofte toecommen, zonder dat van noode werdt ter cause van dien int generaele ofte int particuliere eenighe andere ofte breedere briefven ofte verzerkede te cryghen ofte verwerfven, alwaert oock datmen zoude moghen verstaen datter yet jeghens Zynder Ma^l ofte de hoocheyt van zyne Raden ende Staten ghecommitteert ofte ghedaen waeren, hierinne alleenlic uuyt ghezondert de ghone ghecommitteert hebbende den moort van Jacop Roelandts bailliu van Axele ende Maerten Musaert (1), metgaders de ghone ghedaen heb-

(1) Le capitaine Jacques Miegheem était l'auteur principal de ce double assassinat. Voir document 413, t. II, p. 427.

bende t'assaisinaet (1) upden persoon vanden heere van Bounivet ambassadeur vande hertoghe van Alenchon ende zyne ghezelschepe.

Ghegheven onder onsen zeghele hierup ghedaen drucken metgaders onse signature hier onder ghestelt den XXVII^{en} dach vander maent van decembre xv^c achtentzeventich.

Onderteeckent: Guillaume de Nassau, ende ghecasseiteert metten casseite van Zynder Ex^{tie} daerop ghedruckt ende wat neerdere stont ghescreven: by bevele van Zyn Ex^{tie}: *onderteeckent*

MYLANDER.